



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Honore, Dignis Vel Indignis, Jvste Vel Inivste, Deo
Semper Jvstissimo, Dato, Negato, Violato**

Stengel, Georg

Ingolstadii, 1650

§. 5. Honor cos fortitudinis.

[urn:nbn:de:hbz:466:1-48689](https://nbn-resolving.org/urn:nbn:de:hbz:466:1-48689)

uem esset feminam conuentura. Nimirum apud ingenuas mentes, etiam post pudorem amissum, adhuc pudicitia gliscit, & multum ad reuerentiam alterius valet bonum nomen. Degeneres animas nec pudor cohibet, nec trahit honor; quia illis potior est voluptas, quam honestas.

§. V.

Honor eos fortitudinis.

Multa hinc possent commemorari de liberalitate, de humanitate, de clementia, de obedientia, de fidelitate, alijsq; virtutibus, per honoris illecebras auctis: sed mihi sufficiet, si de fortitudine aliquid attingam. Multos enim incendit honor, ad praclara facinora perpetranda. Hinc Dio Chryso-

stomus pro non immutandis antiquis statuarum titulis perorans, cum essent, qui suaderent, ut ijs oblitteratis adscriberentur noui, atq; hac ratione sumptibus parceretur, in hunc modum locutus est: *Homines indigent & corona, & imagine, & primo loco in confessu, & memoria ad posteros. Et iam multi propter hac mortui sunt, ut vel statuam nanciscerentur, aut praconium, aut alium honorem, atque suis posteris relinquerent opinionem suam aquam memoriamq;. Si quis igitur a vobis sciscitetur,*

Dio
Chryso-
stomus
oral. 309

citetur, vniuersis his olim ablatis, nullaq; in
 posterum recordatione relicta, neque laude be-
 nefactorum, quotumcumque putetis virum
 emerfisse admirandum apud omnes, prompteq;
 in bello decertantem aut tyrannos expellentem,
 aut semetipsum liberosq; deuouentem, salutis
 communis gratia, aut magnos exantlantem la-
 bores virtutis causa? quemadmodum Hercu-
 lem fecisse aiunt, & Theseum, aliosq; semideos
 & Heroas; neminem vos nominare posse puto.
 Nam causam, qua prouocet quemlibet pericu-
 la contemnere, & labores sustinere, vitamq; vo-
 luptuosam & sordidam despiciere faciat, haud
 aliam ullam apud plerosque inuenias. Hoc est,
 quod in pugnis facit strenuos viros ex aduerso
 vulnerari, neque tergo dato aufugere: tamesi
 nonnumquam salutis id praesidium sit. Propter
 hoc ait Poëta, Achillem noluisse summam conse-
 cutum senectutem domi mori: atque Hectorem
 solum stetisse ante ciuitatem: cumq; omnibus,
 siporteret, pugnare fuisse paratum. Hoc erat,
 quod Lacedaemoniarum quosdam fecit in locis
 angustis, in acie stare aduersus tot Persarum
 millia. Hoc fecit vestros maiores omnem ter-
 ram & mare implere trophais: & quum
 reliqua Gracia quodammodo extincta esset,
 solos ipsos per se defendere communem Graco-

rum auctoritatem vsque ad presens tempus.

Apud Athenæum, Macedones in more habuerunt, vt nullus inter conuiuas discumberet, nisi extra retia aprum interfecisset, tunc enim sedere inter conuiuantes licebat. Apud Herodotum legimus, Scythas semel quotannis singulos regionum principes vinum crateri miscuisse, de quo Scythæ omnes biberent, qui hostium quempiam occidissent; nemo autem iustaret, qui nihil præclari operis edidisset. Is enim, qui fecisset nihil laude dignum, sine honore, seorsim sedere debebat. Quæ res apud eos maximæ erat ignominia. Quod si quis complures hostium cædes poterat enumerare, illi fas erat, duobus pariter, qui aderant, calicibus potitare. Sic simul & vini, & laudis, & laboris fecerunt sitientes. Hic honoris modus ad plures transijt. Nam & apud Gothos honorificum fuit, regia mensæ adhiberi; & Alboinus Odouni Gothorum regis filius, interfecto hoste, ad regiam mensam est accumbere iussus: & in sacris historijs David gigante Goliath confecto, apud regem Saulem id honoris est consecutus, vt nouilunij die cum rege accumberet. *Ecco 1. Reg. 20. 5.*
calenda sunt crastino, ait, & ego ex more sede-

Athen.
lib. 1. c. 20.

Herodot.
lib. 4.

G S

re so

Plutarch.
in The-
mistocle.

re soleo iuxta regem ad vescendum, quod etiam ex æmulatione Saulis propè in exitium Davidis cessit, tamen initio factum est, ad plura eius facinora elicienda. Quod & Xerxes Persarum rex fecit qui etsi Græci nominis acerbissimus hostis esset, Themistoclem tamen Atheniensem patria pulsum, atque ad barbaros se recipere coactum, singulari honore lætitiæque excepit, sæpiusque inter suos dixit, videri sibi, felicem se esse, quod à fortuna Themistoclem amicum accepisset. Cuius rei tanta eum lætitiæ ceperat, ut sæpe noctu experrectus, ministros rogaret: *An secum Themistocles esset?* Quin ut fortitudinem eius bellicam excitaret, huiusmodi verbis congruentia addidit facta: vrbes enim opesque ingentes ei dono dedit. Et quorsum ab antiquis trophæa erecta, quorsum extructi arcus triumphales, quorsum decreti sunt triumphi, nisi ut alij quoque ad hostes profligandos debellandosque animarentur? Neque alia de causa Sesostris Ægypti rex duplicis generis trophæa statuit, vnum, quo hostes viros, alterum, quo feminas fuisse ostenderet. Voluit enim docere, quo bella laus, quo dedecus acquireretur. Quamobrem & memoria fortiter facti-

Herodot.
lib. 2.

factorum, & stimulus, eiusmodi honoris
monimenta fuerunt.

§. VI.

*Opera nostra ad Dei honorem referenda, non
autem ad propriam famam, more
Ethnicorum.*

Qui tamen sciebant, unde victoriae essent,
Domino exercituum gloriam dabant. Ita 2. Mach.
10. 38.
Machabaei rebus fortiter gestis, in hymnis &
confessionibus benedicebant Dominum, qui ma-
gna fecit in Israel, & victoriam dedit illis. Ita
& populus Israëliticus canebat: *Tua est, Do-
mine, magnificentia, & potentia, & gloria atq;
victoria: & tibi laus.* 1 Paralip.
19. 11. Quin & Gentiles quo-
que, quamvis errore veri Numinis decepti,
tamen, non sibi, sed superis eam gloriam at-
tribuebant. Orthryades Lacodæmonius, Chryser-
mus lib. 39
rer. Pelo-
ponnesia-
car. &
Plutarch.
in Paral.
cùm solus contra Argiuos fortiter pugnan-
do euassisset, ex caesis scuta corripuens tro-
phaum erexit, proprio inscribens cruore:
Ioui, in cuius potestate sunt trophaa. Aeneas de
Mezentij Rutulorum regis exuuijs tro-
phaum posuit, cùm

Ingentem quercum decisis undiq; ramis Virgil.
lib. 11.
Constituit tumulo: fulgentiaq; induit ar-
ma, Aeneid,

Mezenti ducis exuuias, tibi, magne tro-
phaum Belli-